

TRAGEDIJA Nakon krvavog pohoda Tima Krečmera

Njemačka tuguje za žrtvama masakra

Tinejdžer ubio 15 osoba, među njima Hrvat iz Banje Luke Denis Puljić
● Nepoznati motivi ● Većina ubijenih žene ● Frustrirani jedinci

jemačke vlasti očajnički pokušavaju povezati konce tragedije i pronaći motive koji stoje iza jednog od najgorih krvoprolića u novijoj njemačkoj povijesti u kojem je u srijedu 17-godišnji mladić ubio 15 ljudi prije nego što je sam sebi oduzeo život.

Tima Krečmera (Kretschmer) opisuju kao neupadljivog samotnjaka i ljubitelja oružja. Ipak, ništa ne govori šta ga je moglo naterati da krene u ubilački pohod po svojoj bivšoj školi i gradu Vindenu. Ubica je ušao u dvije učionice koje je unaprijed odabrao i otvorio vatru. Svjedoci kažu da je Krečmer ušavši u jedan razred hladno rekao: „Zar još niste svi mrtvi“, a onda počeo pucati.

Mnogo povrijeđenih

Nakon što je u školi „Albertville“ ubio devet učenika i tri profesorice, Krečmer je pobjegao



Tuga i nevjerica učenika

(AP)

s mjesta zločina i usput ubio još troje ljudi prije nego što je skončao. Povrijeđeno je više osoba, među kojima ima djece i policajaca.

Jedna od žrtava pomahnitalog Krečmera je i Hrvat iz Banje Luke 36-godišnji Denis Puljić. Nakon masakra u školi policija je krenula u potjeru za naoružanim tinejdžerom, koji se automobilom odvezao u gradić Vendlingen. Kada je shvatio da je opkoljen sa svih strana, izašao je iz automobila i pokušao ući u autosalon „Audi&Volkswagen“, javili su hrvatski mediji.

U salonu je u tom trenutku na svom radnom mjestu bio Puljić. Shvativši šta se događa, potrčao je prema vratima i htio ih zaključati, ali Krečmer je ispalio rafal, ubivši njega i još jednog posjetioca salona. Policija je ubicu pogodila u nogu, nakon čega je on sam sebi oduzeo život. Puljić je bio otac dvogodišnje djevojčice.

Saučešće kancelarke

„Jutarnji list“ objavio je izjave dvojice učenika hrvatskog porijekla Matijasa Cvjetičanina i Sandija Marića. Cvjetičanin je ispričao da su nakon pucnjave u školi na-

Najava na internetu

Krečmer je dan prije masakra na internetu najavio ubistva. Osim toga, objavljen je i videonimak posljednjih Krečmerovih trenutaka na kojem se vidi kako sam sebi puca u glavu, piše APTN.

stali kaos i panika, a hodnici su bili krvavi.

Sve osobe koje su ubijene u školi, osim jednog učenika, su žene pa mediji špekuliraju da je krvoproliće bilo spolno određeno. Mediji pišu i da je mladić bio podstaknut sličnim događajem u američkoj saveznoj državi Alabami, gdje je jedan 28-godišnjak ubio 11 osoba. Jedan školski drug ubice rekao je za „Spiegel“ da je Tim bio teško frustriran i sin jedinac, koji nije položio maturu.

Povodom tragedije reagirali su brojni njemački političari, među kojima i predsjednik države Horst Keler (Keller) te kancelarka Angela Merkel koja je istakla da je ovakav zločin neshvatljiv. U četvrtak su širom Njemačke zastave bile spuštene na pola koplja kao znak žalosti.



Sa jednog časa: Bit će nasljednika

Priča o jednom muzičaru i njegovim učenicima

Uz gitaru se rađaju najljepše ljubavi

Asim Omanović Haša ne žali truda da mlade nauči tajnama dobrog sviranja

Ovo je priča o jednom muzičaru kojega je ljubav prema pjesmi privukla gitari. Asim Omanović Haša je rodom iz malog mjesta Orahova, u neposrednoj blizini Bosanske Gradiske. Svoje mladalačke godine je proveo u ovom mjestu, i tamo važio za muzičara bez kojeg se nije mogla zamisliti niti jedna žurka.

Zabava za izbjeglice

Ratna događanja su Hašu dovela u Austriju, u gradić Enns. Kako u rodnoj Orahovi tako i u novom okruženju on je uvijek bio prvi na raznim zabavama kada je trebalo unijeti malo zabave među izbjeglice iz Bosne.


Od samog dolaska se aktivno uključio i u rad ovdašnjeg Uruženja građana iz Bosne i Hercegovine koje nosi ime Džemala Bijedića. Haša je i poznat kao izuzetan aranžer i kantautor tako da je iz tog njegovog rada proistekla saradnja sa nekoliko pjevača ali i njegova dva albuma, a treć je u pripremi.

Omanović je ujedno i vrstan pedagog jer evo godinama u prostorijama Uruženja organizira školu gitare. Njegovi nekadašnji učenici su sada već odrasli momci i djevojke i kako nam kroz smijeh reče, nekoliko veza iz kojih su nastali brakovi među našom omladinom skrivila je baš gitara na ovdašnjim zabavama za omladinu.

Bijeg od kompjutera

„Osjećam se ponosno kaže Omanović što se makar dio onih vrijednosti naše mladosti vratio ovoj današnjoj omladini kroz moj rad sa njima.

U današnje doba djeca najviše



Omanović: Zaljubljen u pjesmu

vremena provode uz kompjutere i igrice, ovako uz gitaru i pjesmu se vraća smisao druženja i zajedništva što odlikuje naš mentalitet za razliku od ovoga austrijskog individualnog načina života. gitare. njegovoj školi gitare koja je po mnogo čemu posebna, polaznici nauče naravno prvo osnovne akorde i grifove, a onda se vježba uz stare lijepe pjesme koje onda kod kuće njihovi roditelji zajedno pjevaju sa djecom.

Ovih dana su u Hašinu školu gitare krenuli novi polaznici. Sve su to djeca naših ljudi koji žive i rade ovdje u Ennsu a prvi preduslov za učenje gitare je dobar uspjeh u školi.

Odlazeći iz Ennsa, iz zgrade Udruženja Džemal Bijedić čuli smo onu prelijepu pjesmu „Dugo nisam vidio svoj rodni kraj“, koju su polaznici škole svirali zajedno sa svojim učiteljom a piscu ovih redova sa misli odlutale ...u neka davna...davna vremena.

Aziz OMERSOFTIĆ



Krečmer: Unaprijed odabrao učionice

(Reuters)

Imućni roditelji

Krečmer je, javljaju lokalni mediji, odranije bio poznat policiji, a riječ je o sinu imućnog biznismena. Otac mu se bavi streljaštvom te legalno posjeduje 18 komada različitog vatrenog oružja. Roditelji ubice su privedeni na razgovor u policiju. Zasad se ispituje je li oružje bilo osigurano kako to nalažu propisi.

Na međunarodnom konkursu za poeziju

Italijanske nagrade i bh. književnicima

Na međunarodnom konkursu za najbolju pjesmu, koju dodjeljuje najveći svjetski festival poezije u Trstu, a koji okuplja mlade pjesnike do 30 godina, nagrađeni su i Halid Bulić, Adnan Žetica i Anila Gajević iz BiH.

Bulić i Žetica dijele treću nagradu sa Danijelom di Stefano (Daniele) iz Italije, dok je

„Avazova“ novinarka Gajević osvojila Specijalno priznanje. „Srebrnu medalju“ predsjednika Italije osvojio je Iračanin Jas el-Saedi (Yas Al-Sa'edi), dok su prvu i drugu nagradu osvojili Stefania Markeze (Marchese) iz SAD i Davide Petarini (Pettarini) iz Italije.

Na konkurs petog festivalskog izdanja prijavilo se više

od 1.500 mladih pjesnika iz cijelog svijeta, a odluku o nagradama donio je žiri sastavljen od 21 književnog kritičara iz nekoliko evropskih zemalja.

Nagrade će dobitnicima biti uručene na festivalu koji nosi naziv „Castello di Duino“ po istoimenoj tvrđavi u Trstu. Festival će biti održan od 27. do 29. marta. A. Gr.

Velika akcija našeg lista

Reporteri „Avaza“ u Vašem mjestu

Švedska
Norveška
Danska
Holandija
Velika Britanija
Belgija
Njemačka
Švicarska
Austrija
Luksemburg

Reporteri „Dnevnog avaza“ nastoje doći do svih mjesta gdje žive bh. građani. Ako to nismo učinili, a Vi želite da u Vaše mjesto stigne naša ekipa, dovoljno je da pošaljete poruku na e-mail: avaz.ino@avaz.ba

Na licu mjesta bit će zanimljivih razgovora, dosjetki, pitanja o Vašem životu u tuđini, kada se namjeravate vratiti u BiH. Odgovarat ćemo i na Vaša pitanja. Bit će to vrlo ugodno druženje sa reporterima „Dnevnog avaza“.